

dreyen mangel der Luna betrachtest/welchs vnder denselbē grösser sene/
vnd was man zum ersten der Luna geben soll / vnd was zum letzten.
Es were auch sehr gut / so du engentlich bedächtest / wie viel die Sonn
schwerer sey weder die Luna / schaw die vorgehende Figur mit verstand
an / so wirst du finden / das ich Philosophisch von diesen dingen geschri-
ben hab.

In dem kommen alle Philosophi vberlein.

Das alle vnvollkommene Metall seyen schwach Gold / daruñ sie vom
Goldt anderst kein vnderscheid haben / weder allein die infallender
würckung mehr oder weniger verbrennlich oder temperiert / dem allen
nach folgt / das diß so nicht gut ist in corpore vnd mangelt der vnvoll-
kommenheit / wird vollkommen durch diß das Gut ist im vollkommenen
Cörper. Vnd dieweil das vnvollkommene Corpus also doch nit mäch-
tig ist / die Sulphurische verbrennliche Erden zu scheiden / vnd den ver-
tauschten vnvollkommenen Cörper zu verwandeln / in sein vollkommene
Natur / so ist von nöhten / das der vnvollkommene Cörper subtil gemacht
werd / ehe er solche Tugend bekomme / dann aber wird er subtil so es zu
lebendiger silberische Art gebracht wirdt / vnd deß perfecten Leibes Ar-
gentum vivum fix ist / so figiert es auch deß vnfixen Argentum vivum / aber
das argentum vivum non fixum / das ist in den vnvollkommenen Cörpern /
nimpt durch sein flüchtigkeit vñ geschwindigkeit / das fix argentum vivum
von den vollkommenen Cörpern mit sich / macht das dasselb geschwind
durchgeht transformiert herrlich machet / vnd genzlich vorvollkommet /
dann gewiß ist / das alles auß dem her kommet / in das es resolviert wird.

Nun aber werden alle Metall in argentum vivum gebracht / darumb
seind sie argentum vivum gewesen / vnd also wirds denen geantwortet /
die da meinen vnd sagen / das die gestalt der Metallen nicht möge ver-
ändert werden / vñ das ist wahr / wie sie sagen. Was ferz sie nicht zur er-
sten Matern gebracht werden. Dann alsdann hat man ihr eigentlichs
vnd rechtes Sperma der Metallen. Auß welchen durch Künst die Me-
tallen geboren werden / wie nun die Metallen generiert worden seind
durch die Natur von dem engentlichen Spermate der Metallen. Also ist es
möglich das sie generiert werden / fürnemlich durch Künst / eben auß
demselben Spermate.

Dann der vollkommene Cörper argentum vivum ist fix / dieweil es im
Bauch der Erdē durch die hik des Sulphurs gekocht ist / in einer mittel-
mäßigen oder temperierten würckung / aber die fixe schwäbelische art ist
die fixe argentische Art / in dem innersten der substanz deß Goldes oder
Silbers / ist ein fixe substanz vnd ein solche ganz subtile vnd feine sub-
stanz / ist sehr ring vnd leichtflüssig wie Wachs / vnd ist ein vberwinder
deß